



BASES REGULADORAS DO VII CONCURSO DE DEBUXO-PINTURA “21 DE MARZO: DÍA INTERNACIONAL PARA A ELIMINACIÓN DA DISCRIMINACIÓN RACIAL”

O Concello de Burela, consonte ao previsto na Lei 38/2003, de 17 de novembro, Xeral de Subvencións, Lei 9/2007, de 13 de xuño, de Subvencións de Galicia, e no que sexa de aplicación, o Real Decreto 887/2006, de 21 de xullo e Decreto 11/2009, de 8 de xaneiro, e ao obxecto de sensibilizar e previr sobre a problemática da discriminación racial.

PRIMEIRA.- DEFINICIÓN E OBXECTO

Constitúe o obxecto das presentes bases a regulación do procedemento aplicable para o outorgamento dos premios do Concurso de Debuxo - Pintura “21 de Marzo: Día Internacional para a eliminación da discriminación racial”, organizado polo Concello de Burela.

SEGUNDA.- REQUISITOS DOS PARTICIPANTES

Poderá participar no concurso calquera persoa que así o decida sempre e cando teñan cumpridos 6 anos o último día da presentación de traballos.

TERCEIRA.- CATEGORÍAS

Haberá 3 categorías:

- Categoría 1ª: de 6 ata 12 anos.
- Categoría 2ª: de 13 ata 17 anos.
- Categoría 3ª: de 18 anos en diante.

CUARTA.- DOCUMENTACIÓN A PRESENTAR E LUGAR

A documentación a presentar será a seguinte:

- Fichas de inscrición establecida ao efecto (Anexo I)
- Autorización do pai, nai ou titor/a legal para os menores de idade (Anexo I)
- D.N.I. ou no seu caso libro de familia.

Os traballos poderán presentarse de forma presencial no Rexistro Municipal ou a través de correo postal, no caso de ser entregados por este último medio o autor/a deberá mandar, dentro do prazo de presentación de instancias por fax ou correo electrónico xustificante da súa presentación.

Concello de Burela

Rúa Eijo Garay, 20, Burela. 27880 (Lugo). Tfno. 982586000. Fax: 982585945



O enderezo postal é:

Concello de Burela
Programa de Atención a Inmigrantes
R/ Eijo Garay, 20
27880 Burela
Lugo

Correo electrónico: integracioninmigrantes@burela.org

QUINTA.- NORMAS DE ELABORACIÓN DAS OBRAS E PRESENTACIÓN DAS MESMAS.

Os debuxos e/ou pinturas deberán:

- a) Estar relacionados co motivo obxecto destas bases.
- b) Técnica libre.
- c) Medida folio A4
- d) Todos os traballos deberán ser inéditos.
- e) O/a participante ou os/as participantes maniféstanse garantes baixo a súa responsabilidade que é ou son os únicos titulares de todos os dereitos de autor sobre o traballo que presenta e responsabilizaranse totalmente de que non existan dereitos de terceiros nas obras presentadas, así como de toda reclamación de terceiros por dereito de autoría.

Os traballos deberán ser presentados en dous sobres pechados:

O primeiro conterá:

- a) o debuxo e/ou pintura asinado con pseudónimo (o traballo que se asine cos datos persoais do autor/a quedará excluído)
- b) un segundo sobre pechado cos datos persoais e identificado co pseudónimo usado polo autor/a (Anexo I)

No exterior do primeiro sobre debe de figurar o pseudónimo co que participa.

O xurado non terá coñecemento en ningún momento da autoría de cada unha das obras.

SEXTA.- CRITERIOS DE VALORACIÓN

Os criterios de valoración serán o contido e tratamento do tema, orixinalidade, expresión e presentación en xeral.

SÉTIMA.- PRAZO DE PRESENTACIÓN

A prazo para a presentación dos traballos remata un mes despois da publicación destas bases no B.O.P. de Lugo.

Concello de Burela

Rúa Eijo Garay, 20, Burela. 27880 (Lugo). Tfno. 982586000. Fax: 982585945



OITAVA.- COMPOSICIÓN DO XURADO

O xurado deste concurso estará composto por tres persoas:

1. Dña. Noelia María Ben Vázquez, Concelleira de Inmigración e Cooperación do Concello de Burela.
2. D. Ángel Rubiños Ben, Director da Casa da Cultura.
3. D. Jaime Méndez García, Director da Casa da Xuventude

Actuará como secretaria do xurado a Técnico do Programa de Atención a Inmigrantes do Concello de Burela, con voz e sen voto.

Unha vez rematado o prazo de entrega de traballos, o xurado reunirse e levantará acta na que conste a relación de premiados.

NOVENA.- CRÉDITO ORZAMENTARIO

A contía máxima destina aos presentes premios é de 240 € (partida presupostaria 2311/489)

DÉCIMA.- PREMIOS

Haberá 3 categorías (de 6 ata 12 anos; de 13 ata 17 anos; de 18 anos en diante) e en cada unha delas haberá 2 premios co mesmo importe para todas as categorías.

1º Premio: lote valorado en 50 €

2º Premio: lote valorado en 30 €

O xurado poderá deixar deserto calquera dos premios.

De acordo con RD 439/2007, de 30 de marzo, polo que se aproba o Regulamento sobre a Renda das Persoas Físicas, non están suxeitos a retención ningún dos anteriores premios.

DÉCIMO PRIMEIRA.- INCOMPATIBILIDADES

A mesma persoa so poderá participar na categoría que lle corresponda por idade e non poderá presentar máis de un traballo.

DÉCIMO SEGUNDA.- CESIÓN E AUTORIZACIÓN DE DEREITOS

Os dereitos do autor/a do debuxo manteranse, pero cederanse gratuitamente ao Concello de Burela os dereitos de uso, reprodución e difusión, citando en todo momento a autoría do mesmo.

Os traballos participantes poderán ser obxecto de exposición en espazos de relevo cultural, artístico e educativo do Concello de Burela.



DÉCIMO TERCEIRA.- PROCEDEMENTO E ENTREGA DE PREMIOS

Sobre a acta do xurado emitirase informe-proposta que se elevará ao Alcalde-Presidente, órgano competente para a concesión dos premios, que se outorgarán mediante Resolución de Alcaldía.

O fallo do xurado darase a coñecer aos gañadores/as a través de chamada telefónica ou correo electrónico, sen prexuízo da obrigatoria notificación da resolución.

Os premios entregaranse en acto público na data que se publicitará na páxina web e prensa local.

DÉCIMO CUARTA.- ACEPTACIÓN DAS BASES E PROTECCIÓN DE DATOS DE CARÁCTER PERSOAL

A participación no Concurso supón a plena aceptación das bases e fai responsable a cada concursante da autoría e orixinalidade do traballo presentado; para calquera decisión sobre o mesmo queda facultado o xurado do concurso e a propia Concellaría de Inmigración e Cooperación do Concello de Burela.
A súa decisión é inapelable.

A concorrencia ao proceso de concesión de subvencións implicará a manifestación tácita do consentimento inequívoco ao tratamento de datos de carácter persoal e a súa publicación de acordo co previsto na Lei Orgánica 15/99, de 13 de decembro, de Protección de Datos de Carácter Persoal. A finalidade da recollida e tratamentos dos datos persoais será estrictamente á xestión e tramitación do expediente correspondiente.

DÉCIMO QUINTA.- INFORMACIÓN AOS BENEFICIARIOS DOS PREMIOS

Con carácter xeral os premios están incluídos no ámbito da aplicación da Lei 38/2003, de 17 de novembro, Xeral de Subvencións, polo que o Concello de Burela é un órgano obrigado a facilitar información da concesión dos presentes premios á Base de Datos Nacional de Subvencións. Igualmente, con carácter xeral, non obstante o establecido na base décima (non existe obriga de practicar retención por ser inferiores a 300,00.- Euros), os premios están suxeitos ao IRPF segundo o establecido no artigo 75.2 do R.D. 439/2007, de 30 de marzo, sendo a Axencia Estatal da Administración Tributaria un dos órganos cesionarios dos datos rexistrados na Base de Datos Nacional de Subvencións en virtude da colaboración coa Administración Tributaria que establece o artigo 20 da Lei 38/2003, de 17 de novembro.



FICHA DE INSCRIPCIÓN
VII CONCURSO DEBUXO-PINTURA
DÍA INTERNACIONAL PARA A ELIMINACION DA
DISCRIMINACION RACIAL

NOME E APELIDOS DO/A PARTICIPANTE: _____

ANOS _____ **DATA NACEMENTO:** _____ **D.N.I.** _____

DIRECCIÓN POSTAL: _____

_____ **C.P.** _____ **CONCELLO** _____

Nº DE TELÉFONO _____

ENDEREZO ELECTRÓNICO _____

CUBRIR POLO PAI OU NAI EN CASO DE QUE O/A PARTICIPANTE SEXA MENOR

Eu _____

con D.N.I. n.º _____ e enderezo a efectos de notificación en _____

localidade _____, Concello _____, C.P. _____ e teléfono

de contacto nº _____

AUTORIZO a/o miña/meu filla/o _____
a participar no concurso de lemas organizado polo Concello de Burela aceptando
integralmente o contido das Bases

Burela a _____ de _____ de 2021

Asdo.: _____

NOTA IMPORTANTE: Este impreso de inscrición debe de entregarse xunto cunha copia do D.N.I. do participante, de non ter D.N.I. achegarase fotocopia do libro de familia.

En cumprimento da Lei Orgánica de Protección de Datos de Carácter Persoal (LOPD), lle informamos de que os seus datos persoais foron incorporados en ficheiros titularidade do Concello de Burela e a súa finalidade é a xestión administrativa. Vostede ten a posibilidade de exercer os dereitos de acceso, rectificación, cancelación e oposición na lei dirixíndose ao Concello de Burela, Rúa Eijo Garay, 20, Burela.

Concello de Burela

Rúa Eijo Garay, 20, Burela. 27880 (Lugo). Tfno. 982586000. Fax: 982585945